

Վ. ԽԱՉԱՏՐՅԱՆԻ ՍՏԵՂԾԱԳՈՐԾԱԿԱՆ ԱՇԽԱՐՀԸ

Արվեստը մշտագոյ հարց է,
որ տեսողական զգայություն է
տալիս աշխարհի մասին:¹

Արդի գեղանկարչության առաջընթացի ուղիներն ու միտումները դեռ խիստ որոշակի չեն. վերջին հարյուրամյակի ընթացքում գեղանկարչության մեջ անընդհատ մոր փոփոխություններ են տեղի ունենում: Եշտարտության աճող պահանջն այլևս չի կարող բավարարվել ձևով ու գույնով այնպես, ինչպես սրանք հասկացվում էին անցյալում. ամեն ինչ շարժման ու վազքի մեջ է, սրընթաց փոփոխվում է, և այս ընդհանուր դիմամիզմը հենց այն է, ինչ արվեստագետը պիտի գործի փնի ներկայացնելու: Արվեստի հին լեզուն կարծես թե չի բավարարում մարդկային մտածողությանը: «Այսօրվա նկարիչը գործում է իր կտավի տարածության մեջ՝ քանդելով, տրոհելով մակերեսը, մինչև որ կհասնի իր ամբողջության իրականացմանը» - գրել է Արշիլ Գորկին:²

Անկասկած, այսօրվա նկարիչ է մաս Վալերի Խաչատրյանը: Վերջինս քաջ գիտակցում է, որ նկարելու գործընթացում անհրաժեշտ է ելնել բնությունից, իրականությունից, բայց և չպետք է կորցնել ազատորեն երևակայելու և արտահայտելու ունակությունը: Իր ստեղծագործական կյանքում Վ. Խաչատրյանը որոնում է գեղարվեստական մոր միջոցներ իրականության ճշմարտացի վերապատկերման համար: Ընդհանրացման մեծ ունակություններն ու գեղեցիկի գնահատման բարձր զգացումը նկարչին կյանքի խորունկ և սուր ընկալման հնարավորություն են ընձեռում: Ասել, թե ինչ է նկարում Խաչատրյանը, կլինի ենթադրություն. մեր պատկերներից շատերը ոչ թե կոնկրետ առարկաներ են, այլ՝ դրանց գունաբծային ակնարկները:

Վերացապաշտություն. երևի այս բառով կարելի է որակել նկարչի ստեղծագործական հայեցակարգը: Նրա կտավները ոչ, սյուժետային են, ազատ պատմողական կոնկրետությունից: Նկարիչը փորձում է իր ասելիքը արտահայտել միայն ձևերի և գույների ամմիջական ազդեցությամբ: Անսյուժե գեղանկարչությունը հայտնի էր դեռ Վերածննդի շրջանից (Ջորջոնե), հետո այն զարգացրին իմպրեսիոնիստները, բայց մրանց գործերում բացակայում էր միայն սյուժեն, մինչդեռ Խաչատրյանի «գործող անձինք» գույներն են, մրանց կախարդական խաղը, հուզաթրթիտ տպավորությունը, որովհետև արվեստագետը նկարում է միայն շրջապատից ստացած տպավորությունը, իսկ տպավորությունը անմիջ է, հույզ է, սրտի թրթիտ, «պատկերային ազատագրում է»,³ որ պատկերներ չի ճանաչում:

Վ. Խաչատրյանն իր ստեղծագործական ճանապարհին, հայ նկարիչներից շատերի մման, ազդվեց տարբեր ուղղություններից: Այդ ազդեցությունները պատահական եղան ու մակերեսային: Մեր ժամանակների անընդհատ փոփոխվող գաղափարների քառում դժվար էր մնալ հավատարիմ որևէ գաղափարի, բայց Վ. Խաչատրյանին հաջողվեց խուսափել օտարամտու հոսանքներից և ստեղծել իր հոգեմտավոր աշխարհը:

Վ. Խաչատրյան նկարչի կայացումը համընկավ մեր իրականության շատ բարդ ու հակասական շրջանին՝ անավոր երկրաշարժ, անկայություն, երբ փլվեցին

¹ Դ. Մյորա, Կիրակնօրյա զրոսանք Գրանդ-ժարում, Չիկագո, 1884:

² Ա. Պետրոսյան, Արշիլ Գորկի, Եր., 2004, էջ 16:

³ Հ. Ռիդ, Արդի նկարչության համառոտ պատմություն, Եր., 2002:

բոլոր խոչընդոտները, երբ արտերկրի հետ հաղորդակցումը դարձավ ավելի մատչելի, արվեստագետները շտապադականությամբ սկսեցին ընդօրինակել եվրոպական և ամերիկյան ավանգարդիստներին (Պոլոկ, Շագալ, Կանդինսկի, Արշիլ Գորկի, Մունկ, Կիրևիտ...)։ Նրանց հանկարծակիի էր քերել անկախության պարզևած ազատությունն ու տեղեկատվական առատությունը։ Այս խառնաշփոթի մեջ նրանցից շատերը կորցրին սեփական անհատականությունը, դարձան տեսածի վատ կրկնօրինակողներ։ Եղան և այնպիսիք, որոնք ստեղծագործաբար յուրացրին տեսածը՝ չհետամալով ազգային ակունքներին։ Այդ գեղանկարչական հոսանքների հորձանուտում Վ. Խաչատրյանը չկորցրեց անհատականությունը և իր գեղանկարչական ու գրաֆիկական շարքերից լավագույնները ստեղծեց հենց այս տարիներին (1990-2000 ական թթ.)։ Շարքերից մեկը կոչվում է «Համարակալված ճակատագրեր»։ Երկրաշարժից փրկված տների փոխարեն համարակալված փայտաշեն տնակներ, որ պատասպարել են խեղված ճակատագրերով մարդկանց։ Նկարչին չէր կարող ցավ չպատճառել քաղաքի ավերակների ճշացող լուրջությունը, այդ ցավից էլ ծնվեց «Դոմիկներ», «Լվացք», «Ճիչ», «Համարացած քարեր» պատկերաշարը։ Իսկ «Ընթացք», «Տիրամայրեր» գրաֆիկական շարքերը լույսի ու հույսի, հոգու փրկության փնտրույթ էին։ Հենց այս դժվար ու հակասական տարիներին էլ ձևավորվեց նկարչի գեղարվեստական կողմնորոշումը։ Գուցե պարադոքս է, բայց էրտրենմալ պայմաններն են ծնում իսկական արվեստագետ։



Անժխտելի է Արշիլ Գորկու գեղանկարչության ազդեցությունը հայ նկարիչների վրա։ Ժամանակակից հայ նկարչության վրա Ա. Գորկու թողած ազդեցության հիմքում նրա ստեղծագործության բարդ, ոչ միանշանակ ընկալումները, մեկնաբանություններն ու գնահատականներն են։ Արշիլ Գորկու արվեստի հետ նկարիչների առնչությունների բնույթն ու հետևանքները պայմանավորված են բազմաթիվ գործոններով, առաջին հերթին՝ նրանց անցած ուղիով և անհատականորեն կայացած լինելու աստիճանով։ Ա. Գորկուց ազդվել են դեռ 60-ականների նկարիչները (Մ.Ավետիսյան, Ա.Օշականց, Յու.Հարությունյան, Կ.Մկրտչյան), ու այդ գործընթացը այսօր էլ շարունակվում է։ Վ. Խաչատրյանի «Ինչպես մորս ծաղկավոր գոգմոցը» նկարների շարքը ստեղծվել է Գորկու արվեստի ամմիջական ազդեցությամբ։ Նրան ոգեշնչել են Ա. Գորկու ֆիգուրատիվությունից գերծ հորինվածքների զգացականությունը, մտքի ու ժեստի ազատ խաղը։ «Մայրա», «Ինչպես մորս ծաղկավոր գոգմոցը», «Հարսանիք», «Կրկնաբանի կինը» գեղանկարչական պատկերները նկարչի անհատական մտածողության արգասիքն են՝ հարստացած գոթիկական արտահայտչամիջոցներով։

Մեր օրերի նկարիչները փորձում են արտահայտել իրենց տեսակետն ու դիրքորոշումները նաև ոչ ավանդական ձևերի ու տեխնիկական նյութերի կիրառման կամ համադրման շնորհիվ, կամ դիմում են գեղարվեստական կերպարների սիմվոլիզմին, այլաբանական մեկնաբանության։

Գեղարվեստական երկխոսության մի առաջիկ ինքնատիպ ձև է միմդարը։ Սա նախազգալով, գունագեղ կտորների խճանկարային համադրումով ստացված գեղարվեստական մտածողության դրսևորում է, որ հայ կամանց հայտնի է շատ վաղուց և լայն կիրառում ունեւ մեր կենցաղում։ Խաչատրյանի ստեղծագործության մեջ ևս մենք հանդիպում ենք միմդարների, սակայն նկարչի համար դրանք զուտ գեղարվեստական գունային մտածողություն չեն, այլ մանկության կարկատված հուշեր։ Արշիլ Գորկու արվեստում մույնպես կարևոր տեղ ունի միմդարը, որ նրա համար թանկագին վերնուշ է սիրելի մոր ու անուրախ մանկության մասին։

Արվեստն այսօր էլ գեղարվեստական մոր ուղիների որոնման ճանապարհին է։ Հետևաբար գեղանկարչությունն էլ մշտապես փոխում է իր լեզուն և արտահայտչամիջոցները։ Իրականության և կտավի վրա նրա նկարագրի միջև գոյացող

հակասության յուրովի լուծման ուղիներ է փնտրում մասն Վ. Խաչատրյանը, և կասկած չկա, որ շնորհալի նկարիչը նոր ասելիք ունի գեղեցիկի արարման ճանապարհին:



ТВОРЧЕСКИЙ МИР В. ХАЧАТРЯНА

___ Резюме ___

___ Л. Атанесян ___

Устаревший язык искусства уже не соответствует мышлению современного человека - насущная потребность в истине не может быть удовлетворена посредством только формы и цвета.

Художник В.Хачатрян прекрасно осознает тенденции развития современного искусства. И, в этом смысле, он - сегодняшний.

Абстракция и иносказание - так можно охарактеризовать творческую концепцию художника. "Действующие лица" произведений Хачатряна-цвета, их магическая игра, впечатление, взволновавшее автора.

Известность Хачатряну принесли серии работ "Судьбы под номерами", и "Как цветастый передник моей матери...". Серия " Судьбы под номерами " была создана сразу после землетрясения и здесь художник отразил свое видение человеческой боли и скорби. В серии "Как цветастый передник моей матери..." просматривается некоторое влияние творчества Аршила Горького. Эта серия - плод индивидуального мышления, обогащенного "горьковскими" средствами выражения.

В. Хачатрян и сейчас продолжает свои искания в живописи, поскольку истинный художник всегда в пути - независимо от возраста и достижений.